

Bédier 1938

I.

Devers Chastelvilain
me vient la robe au main
com uns oitours norrois.
Bon jor doint Deus demain
le seignor que tant ain!
Proudons est et cortois;
de ci qu'en Navarrois
n'a si bon chastelain;
de son chastel a plain
ne doute il les deus rois.

II.

Or vos di que Choisés
ne me vaut mais deus oés,
qui me soloit valoir.
Tot mainjuent vermués
vermin et escurués:
n'en puis mais point avoir;
et s'ont mis lor avoir
en vaiches et en bués
et s'ont fait uns murs nués,
que Deus gart de cheoir!

III.

Or m'en vois a Soilli:
piec'ai que n'assenai
a si bone maison.
Le seigneur demandai:
maintes foiz m'a donné
robes et maint bel don.
Ce n'est pas en pardon,
se j'en sui retornez:
s'il n'est empeorez,
j'en avrai guierredon.

IV.

Perdu ai deus chastelx,
dont je sui mult engrex
et bien m'en doit chaloir:
c'est Vignoriz, Rignez.
Deus seignors i a belx,

qui ne doignent valoir,
s'ont mis a nonchaloir
armes et les cembelx.
Il n'ont part ou mantel,
foi que doi saint Eloir!

- letto 442 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/b%C3%A9dier-1938-3>